

आकाशवाणी

खबरां विकास शर्मा कोला

- पच्छिम बंगाल च सुवेंधु अधिकारी होरें गी विधायिका पार्टी दा नेता चुनेआ गेआ ऐ।
- डी.आर.डी.ओ ते भारती वायु सेना नै स्वदेशी TARA ग्लाइड हथियार दा पैहला डुआर परीक्षण कामयाबी कन्नै कीता।
- प्रधानमंत्री नरेंद्र मोदी होरें सोमनाथ मंदरै गी भारत दी लचीलापन, एकता ते सभ्यता दी ताकत दा प्रतीक करार दित्ता ऐ।
- अमरीकी अंतरराष्ट्री बपार अदालत नै ट्रम्प प्रशासन आसेआ भारत ते होरनें मुखें थमां आयात पर लाए गेदे 10 फीसद सार्वभौमिक टैरिफ गी गैर कनूनी घोशित कीता।
- अमरीकी राष्ट्रपति डोनल्ड ट्रम्प होरें आखेआ ऐ जे अमरीका ते यूरोपीय संघ इस गल्लै गी यकीनी बनाने च इकजुट न जे ईरान कदें बी परमाणु हथियार हासल नेई करै।
- आई.पी.एल क्रिकेट च दिल्ली कैपिटल्स दा मुकाबला अज्ज संझा दिल्ली च कोलकाता नाईट राइडर्स कन्नै होग।

<><><><><><>

WB- BJP Legislature Party

पच्छिम बंगाल च भारती जनता पार्टी दे सीनियर लीडर सुवेंधु अधिकारी होरें गी अज्ज पच्छिम बंगाल च बीजेपी विधायिका पार्टी दा नेता चुनेआ गेआ ऐ जेदे कन्नै उंदा राज्य दे पैहले बीजेपी मुखमंत्री बनने दी बत्त पदरी होई गई ऐ। सुवेंधु अधिकारी हुंदा नां विधायिका पार्टी दी बैठका च प्रस्तावित कीता गेआ ते पार्टी दे केंद्री पर्यवेक्षक ते केंद्री गृह मंत्री अमित शाह होरें बीजेपी दे नमंे चुने गेदे विधायकें ते पार्टी दे सीनियर नेताएं दी मौजूदगी च औपचारिक तौरा पर घोशणा कीती। कल कोलकाता दे ब्रिगेड परेड मैदान च नमीं बीजेपी सरकार दी शपथ ग्रहण समारोह दा आयोजन कीता

जाहगा बीजेपी नै हून गै होए दे विधानसभा चुनाएं च ऐतिहासिक जित्त दर्ज कीती ऐ जेदे कन्नै टीएमसी दा 15एं बरें दा शासन खत्म होई गेआ। तोआई गृह मंत्री अमित शाह रातीं कोलकाता च मौजूदा रौहंगन। कल बडुलै ब्रिगेड परेड ग्राउंड च पार्टी दे चुने गेदे सदस्यें दी शपर्थ ग्रहण समारोह च ओहू शिरकत करंगन। इस कार्यक्रम च केंद्री मंत्रिएं हुंदे कन्नै-कन्नै प्रधानमंत्री नरेंद्र मोदी होर बी मौजूद रौहंगन।

<><><><><><>

Tamilnadu Govt. Formation

तमिलनाडू च इकलौती बड्डी पार्टी टीवीके लेई चुनौती जारी ऐ। खब्बे धड़े आहली पार्टियां समर्थन देने ते बहुमत लेई चचा कर'रदियां न। इस कन्नै जुड़े दे इक घटनाक्रम च बीजेपी दे सीनियर लीडर बी.एल संतोश होरें आखेआ ऐ जे कांग्रेस गी तमिलनाडू च अपने फैसले पर शर्म आऔग। उनें आखेआ जे तमिलनाडू च कुन राज करोग, इसदा फैसला समां गै करी सकदा ऐ। कुल मलाइयै नमें प्रवेशक टीवीके आस्तै नमीं सरकार बनाने दा मील दा पत्थर अजें नेई हासल होई सकेआ ऐ जेड़ी इक्कली बड्डी पार्टी ऐ।

<><><><><><>

DRDO

रक्षा अनुसंधान ते विकास संगठन (डी.आर.डी.ओ) ते भारती वायु सेना नै ओडिशा दे समुंद्री किनारे पर Technical Advanced range augmentation यानि (TARA) हथियार दा पैहला डुआर परीक्षण कामयाबी कन्नै कीता ऐ। रक्षा मंत्री राजनाथ सिंह होरें डी.आर.डी.ओ, आई.ए.एफ, डी.सी.पी.पी ते उद्योग गी पैहले डुआर परीक्षण लेई बधाई दित्ता ऐ। उनें इसी भारत दी स्वदेशी रक्षा क्षमताएं गी अगड़ा बधाने च इक मता महत्वै आहला विकास करार दित्ता। तारा भारत दी पैहली स्वदेशी ग्लाइड हथेयार प्रणाली ऐ जेड़ी अनगाइडेड वारहेडस गी परिशुद्धता कन्नै निर्देशित हथियारें

च बदली दिंदी ऐ। इसी होर डीआरडीओ प्रयोगशालाएं दे कन्नै-कन्नै रिसर्च सेंटर इमारत, हैदराबाद आसेआ डिजाइन ते विकसित कीता गेदा ऐ।

<><><><><><>

PM-Somnath

नमें सिरेआ बनाए गेदे सोमनाथ मंदरै दे उद्घाटन दे 75 बरे पूरे होने दे उपलक्ष्य च प्रधानमंत्री नरेंद्र मोदी औंदे संगारें गुजरात जांगन। देसै दे पैहले राष्ट्रपति राजेंद्र प्रसाद होरें 11 मई सन 1951 गी नमें सिरेआ बनाए गेदे सोमनाथ मंदरै दा उद्घाटन कीता हा। प्रधानमंत्री होरें अज्ज इक राश्ट्री अखबार च लिखे दे लेख च एहू जानकारी सांझी कीती। उनें सोमनाथ गी भारत दी सभ्यतागत शक्ति ते मजबूती दा प्रतीक दस्सेआ ते आखेआ जे सोमनाथ मंदरै दी जात्तरा तबाही थमां फही नमें सिरेआ उट्टी खड़ोने दी मजबूत भावना दी प्रतीक ऐ। लोह पुरुष सरदार वल्लभ भाई पटेल हुंदा मन्नना हा जे सोमनाथ मंदरै दा परतियै निर्माण इक राश्ट्री जिम्मेदारी ऐ।

<><><><><><>

Ind. Aviation Market

केंद्री नागरिक हवाबाजी मंत्री किंजरापु राम मोहन नायडू होरें इस गल्लै पर जोर भेरआ ऐ जे भारत दुनिया दे सारें शा तेजी कन्नै बधदे विमानन बजार थमां ब्हाई ज्हाजें दे पट्टे पर देने ते माली पोषण लेई इक बड्डी वैश्विक डेस्टिनेशन च तेजी कन्नै बदलाव करा करदा ऐ। अज्ज गांधीनगर च गिफ्ट सिटी च भारत विमानन पट्टे ते माली पोषण सरबन्धी दुए दौर दे शिखर सम्मेलन च मुख् भाशण दिंदे होई मंत्री होरें एहू गल्ल आक्खी।

<><><><><><>

EAM

विदेश मंत्री डा. एस जयशंकर होरें वैश्विक आर्थिक स्थिरता दे स्तम्भ दे तौरा पर भारत दी बधदी भूमिका दा जिक्र करदे होई अंतरराश्ट्री समृद्धि च देशै दे महत्वपूर्ण योगदान दा उल्लेख कीता।

जयशंकर होरें सूरीनाम च बक्ख-बक्ख वर्ग दे प्रतिनिधियें गी संबोधित करदे होई आखेआ जे इस बरे वैश्विक विकास आस्तै अंतरराष्ट्री मुद्रा कोश दे अनुमान दे मताबक भारत कुल वैश्विक विकास च 17 फीसद दा योगदान दिंदा ऐ।

<><><><><><>

MoS-EAM

विदेश राज्यमंत्री कीर्तिवर्धन सिंह होरें आखेआ ऐ जे प्रवासन गी लेइयै भारत दा दृष्टिकोण प्रवासियें दी सुरक्षा, देशै गी छोड़ने थमां लेइयै उंदी वासी तगर व्यापक शासन बवस्था ते मजबूत अंतरराष्ट्री सहयोग दे मुख्ब संचालन सिद्धांतें पर आधारित ऐ। उनें न्यूयार्क च संयुक्त राष्ट्र च भारत दे स्थाई मिशन दे दुए अंतरराष्ट्री पलायन समीक्षा मंच गी संबोधित करदे होई एहू गल्ल आक्खी।

<><><><><><>

Akashvani-Marathon

आकाशवाणी नै राष्ट्र दी विशिष्ट सेवा दे 90 बरे दे मौके पर अज्ज राष्ट्री राजधानी च मैराथन दा आयोजन कीता। तकरीबन साढ़े त्रै किलोमीटर दी मैराथन आकाशवाणी भवन थमां शुरू होई ते आकाशवाणी भवन च समाप्त होने थमां पैहले कृषि भवन, रेल भवन ते आरबीआई बीलिंग थमां गुजरी। आकाशवाणी, दूरदर्शन ते प्रसार भारती दे कर्मचारिएं अपने परोआर दे सदस्यें कन्नै इस मैराथन च हिस्सा लैता। सब्बनें प्रतिभागिएं गी फिनीशर मैडल दित्ता गेआ। जिसलै के महिला ते पुरुष दौनें वर्गे च अववल 3 दावकें गी ट्राफी दित्ती जाह्ग। स्हाढ़े संवाददाता दी रिपोर्ट मूजब प्रसार भारती दे सीईओ गौरव द्विवेदी ते आकाशवाणी दे महानिदेशक राजीव कुमार जैन होरें द्रौड़ गी झंडी दस्सी।

<><><><><><>

LG-Tirumala Temple

लेफ्टिनेंट गवर्नर मनोज सिन्हा होरें अज्ज आंध्र प्रदेश दे तिरुमाला थाह् भगवान वेंकटेश्वर स्वामी मंदर जाइयै उत्थे मत्था टेकेआ ते अभिशेक समारोह आले इक कार्यक्रम च हिस्सा बी लैता। मंदर प्रशासन दे औहदेदारें दे कन्नै एल.जी होरें पारम्परिक शाल ते लाबे च उत्थे मत्था टेकेआ ते पूजा-अर्चना कीती। ध्यानजोग ऐ जे तिरुमाला वेंकटेश्वर मंदर भारत च हिंदू धर्म कन्नै जुडी दिएं सबनें शा पवित्तर थाहें चा इक ऐ। भगवान वेंकटेश्वर, जिनेंगी बालाजी बी आखेआ जंदा ऐ, दा एह् मंदर सदिएं पराना ऐ ते इत्थे देश-बदेश थमां हर ब'रे लक्खां बदे श्रद्धालु मत्था टेकने लेई आंदे न।

<><><><><><>

US Federal Court

अमरीका दी इक संधीय अदालत नै राष्ट्रपति ट्रम्प हुंदे 10 फीसद दे नमें टैरिफ गी गैर कनूनी दस्सेआ ऐ। खबरें मताबक अमरीका अंतरराष्ट्री बपार अदालत नै बड्डे फैसले च आखेआ ऐ जे प्रशासन बपार अधिनियम 1974 दी धारा 122 दे तैह् तैरिफ गी उचित ठैहराने च नाकाम रेआ। अदालत नै आखेआ ऐ जे सरकार अधिनियम तैह् जरूरी भुगतान संतुलन संकट गी साबत नेई करी सकी।

<><><><><><>

US Prez. EU

अमरीका दे राष्ट्रपति डोनल्ड ट्रम्प होरें आखेआ ऐ जे अमरीका ते यूरोपीय संघ ईरान गी परमाणु हथेयार हासल करने थमां रोकने लेई इकजुट न। सोशल मीडिया दी इक पोस्ट च री ट्रम्प होरें आखेआ ऐ जे उनें यूरोपीय आयोग दी अध्यक्ष उर्सुला फान डेर लायन हुंदे नै गल्लबात कीती ते पच्छिम एशिया दी स्थिति पर चर्चा कीती।

<><><><><><>

GoC LoC Visit

फौज दी व्हाइट नाइट कोर दे जीओसी होरें **Ace of Spade Division** दे जीओसी हुं'दे कन्नै कृष्णा घाटी ब्रिगेड दे अख्तियार हेठ औने आले अगेत्रे इलाकें दा दौरा लाइयै मजूदा सुरक्षा हालात, ढांचागत विकास ते बल दिएं कार्रवाइएं सरबंधी तैयारिं दा जायजा लैता। इस मौके पर फौजी कमांडर होरें'गी बन्ने कश बलें दी तैनाती, निगरानी बवस्था ते घुसपैठ रोधी प्रणाली गी बरकरार रक्खने लेई कीते जा'रदे हीलें बारै जानकारी दिती गई। ध्यानजोग ऐ जे कब्जा रेखा आले इस बड़े मते करठन इलाके च व्हाइट नाइट कोर आसेआ दिन रात पूरी मुस्तैदी ते पेशेवराना ढंगै कन्नै जिम्मेदारिं गी अंजाम दित्ता जा'रदा ऐ तां जे दुश्मन दे भैडे मंसूबें गी नाकाम बनाया जाई सकै।

<><><><><><>

CM-MLAs United

मुख्यमंत्री उमर अब्दुल्ला होरें भारती जनता पार्टी पर आरोप लाया ऐ जे ओह जम्मू-कश्मीर दा राज्य दा दर्जा बहाल करने दे मामले पर ब्लैकमेल आली सियासत करा'रदी ऐ। उ'नें आखेआ जे मंत्रिमंडल दे विस्तार च चिरा दा मामला केंद्र शासत प्रदेश दे दर्जे कन्नै जुड़े दा ऐ ते इसी लेइयै सत्ताधारी नेशनल कांफ्रेंस च कुसै किस्मै दा कोई डर-त्राह नैई ऐ। जम्मू-कश्मीर विधानसभा च बरोधी धड़े दे नेता हुं'दे आसेआ कीती गेदी टिप्पणी उप्पर प्रतिक्रिया दिंदे होई उमर होरें आखेआ जे नेशनल कांफ्रेंस अंदर कुसै किस्मै दा कोई आपसी गतिरोध नैई ऐ ते पार्टी दे सब्बै विधायक किट्टे इकजुट होइयै खड़ोते दे न। उनें आखेआ जे ईआं बझोंदा ऐ जि'आं बरोधी धड़े दे नेता होरें'गी जम्मू-कश्मीर दे मंत्री दी कुर्सी पर बौहने दी बड़ी काहली ऐ।

<><><><><><>

Shahpur Kandi Water

शाहपुर कंडी बैराज थमां पैहली बारी रावी नैह च पानी छोड़े जाने कन्नै खित्ते, खास करियै कंडी इलाके दे करसानें गी बड़ी बड़ी राहत हासल होई ऐ। इस परियोजना कन्नै खित्ते च सिंचाई स्थूलतां तगड़ियां बनडन, पानी दे प्रबंधन आले सरिस्ते च सुधार होग ते कन्नै हाड़ी ते सोनी रूतें दरान फसलें थमां मता झाड़ मिलने दी बी मेद ऐ। इस गैह पर ,खुशी जतांदे होई मकामी करसानें मते चिरै थमां बकाया रौहंदी इस परियोजना गी पूरा करने लेई प्रधानमंत्री नरेंद्र मोदी, केंद्री मंत्री डाक्टर जितेंद्र सिंह ते विधायक राजीव जसरोटिया हुंदा धन्नवाद कीता ऐ। इस बारे अपने बचार सांझे करदे होइ, विधायक राजीव जसरोटिया होरें दस्सेआ ऐ जे इस मामले गी पैहली बारी 2014 च असैम्बली च पुट्रेआ गेआ हा ते मगरा इसी डाक्टर जितेंद्र सिंह हुंदे अगगे रक्खेआ गेआ हा।

<><><><><><>

IPL

आई.पी.एल क्रिकेट च अज्ज दिल्ली दे अरूण जेटली स्टेडियम च दिल्ली कैपिटल्स दा मुकाबला कोलकाता नाईट राइडर्स कन्नै होग। एह मैच संझा साढ़े 7 बजे शुय होग। कल लखनउ सुपर जायंट्स नै रायल चैलेंजर्स बैंगलुरु गी लखनउ दे भारत रत्न श्री अटल बिहारी बाजपेयी एकना क्रिकेट स्टेडियम च बरखा प्रभावित मैच च 9 रन कन्नै हराई दित्ता।

<><><><><><>